

# **Aduni**

Cumu hè a fiama  
Ch'è tù voli purtà  
È chì ne dice Mamma  
Di u toiu l'andà

È ne voli dà lume  
Quand'hè l'oscurità  
Ci lascianu e piume  
È ùn ci hè nunda à fà

O quant'ell'hè peccatu  
Di vede la trimà  
Ci ne taglia u fiatu  
U soiu lu sperà

**Adunì**

**U mondu chì move**

**Adunì**

**È femu chì l'amore nove**

**Adunì**

**U mondu chì move**

**Adunì**

**È demu ch'ùn l'anu ancu trove**

Cumu hè a manu  
Ch'è tù sai pisà  
Ne dice l'umanu  
Pè quantu forza ne hè

Ùn hè ch'è rispettu  
È po sincerità  
È po ti batte in pettu  
L'altra via à signà

È quantu li ne dai  
S'ella ne pò mancà

Quant'ellu ci n'hè guai

Pè a terra unità